

蘭谿縣志卷二

山川志

山 峯 嶺 巖 洞 坑 源 溪 灘

禹貢分州必以山川定疆域即有因革變遷無不可

按圖而索也蘭巖壑之勝動以百計靈秀所鍾有自

來矣况乎資保障出雲雨產異材以前民用胥於是

乎在故首及焉分其方位晰其源委庶覽者瞭如指

掌云志山川

山

大寺山

縣城東南拔地數十丈延袤五七里其稱名不一
山麓有二佛刹一曰聖壽寺一曰藏經院俗呼為
大寺山以其橫列學宮之南又謂之掛榜山而院門舊
匾有大雲山三字疑即此山之名也山巔有大浮屠曰

蘭谿縣志

卷二 山

能仁塔舊有塔院今院廢塔亦圯矣塔南為東峯亭故

址塔北下有阿日桃花塢塢後最高峯俗呼為千仞樓

或云即山意亭故址其西南下臨大溪曰倉嶺嶺後高

峯為山川壇嶺之前小峯臨溪上有城南塔嶺東南曰

芝巖山其下有保寧院今廢院南為塢口山又曰龍首

山亦謂之聖帝山上有東嶽行祠故址山南麓臨溪舊

有忠祐行廟東峯之南為馬鞍山又東南為費隴山山

兩旁夾峙中有達道長數里上通金華兩山之口為五

里牌明正統末括蒼盜起嘗於此作木寨以備禦焉

天福山

發自天台諸山迤邐起伏數百里南條結至邑城
建正東旋轉南嚮羣峯環拱故靈
秀滙毓材賢叢生盛甲於諸郡

銅山

縣東十里接金華山之
西俗云此山出銅故名

黃大山

在縣北七八里突然高聳
鬱然蒼秀雄踞縣治之後

虬首山

一名某休去縣東十餘里其上有
仙人碁盤石○已上俱在銅山鄉

古城山 縣南二十里大阜中峙而兩山環其左

南住山 縣南十五里其山自閩南迤邐千餘里而來至此截然而住故名南住

紫岩山 縣東二十五里山上紫黑故名其山亦以各其鄉

牛石山 縣東二十五里山多怪石遠望如牛故名

高眉山 縣東少北二十五里一峯高聳羣峯環拱石磴凌空松陰蓋地境最幽勝

茶山 在高眉左偏山谷深窈草木森蔚而多茶故名

椒塢山 亦與高眉相接中有飛瀑噴林薄間若玉龍遠陸最可玩愛

金龍山 縣東二十里山麓有金龍廟故名

金鷄山 一名潘境山縣東二十里中峯拔起兩峯旁夾若金鷄之舒其翅然故名

洞岩山 一名靈洞縣東二十里其山巉岩角立有小三洞通金華洞歲旱祈禱

蘭谿縣志 卷二 山 二

獅山 縣東少北二十五里其形如獅故名

蜈蚣山 一名屏風山縣東少北三十里山有小洞泉水噴出盛旱不竭溉田千餘畝

金臺山 縣東少北十五里俗傳古有神僊煉丹其山上野鷄啄而食之夜見光怪

十二曲山 縣東北三十里山有飛瀑如簾山腰路有十二曲故名○已上俱在紫岩鄉

水山 縣北十五里山多流泉故名水山其下有鮑源中曰盛源下曰繆源各深十數里石灰出焉

豹山 縣北二十里其形如豹故名其上有石平正如几可列樽罍

香山 縣北三十里其山產玉蘭無葉而花白有香故名香山

東山 縣北三十里在香溪之東故名

密山 縣北三十里平野中有山突起高數十丈上有觀音岩岩中怪石如笋因岩上有佛迹之異又名佛迹山亦有佛廬在焉○已上皆在武昌鄉

玉壺山 縣北六十里 洪武中長史滕

桂峯山 縣北四十里

勝山 桂峯支隴坦山 山入鄭誠夫嘗作

盤山 縣北五十里 其頂平如盤 可一里許 故名盤

解石山 縣北五十里 名小桃源 有

嵌山 縣北四十里 秀峯

售峯山 縣北五十里 上有

崧山 縣北五十里 山之半有馬跪跡 俗傳昔嘗有避兵於

泉鄉

椒石山 縣西北十五里 臨澱水對華山孤峯特秀 後繞長

蘭谿縣志 卷二 山

先生愛其奇特 類其樓曰望遠

白鴈山 縣北四十里 其形似

白鶴山 縣西北二十五里 其形似

五隴屏山 縣西北三十里

白露山 縣西北三十里 山半有白石岩如帶 又號玉帶山

佛廬在焉

蟠山 縣西北五十里 山之巔有兩石岩 雲氣騰起 卽有雨

焉

三峯山 縣西北四十里 峯之巔俗傳為葛稚川脩煉

柱竿山 縣西三十餘里 山上多出紫石如硃 可磨以書 爲

存父老相傳其山下古有一井人飲其水多生勇士後
人塞之按山係河西各鄉來龍祖山邇為近地居民採
石燒灰以致損壞告申院司府縣嚴禁立碑於縣治儀
門內題曰萬年柱石自前明至康熙四十九年歷經禁
止

佛山 柱竿山東一里許山上有洞深不可測山麓有普
陀菴前怪石蹲踞如伏虎然○已上皆在純孝鄉

蘭陰山 縣西南六里其山多蘭故名以其橫截大溪又名
橫山其上董子祠古剎絕頂為橫山塔今祀常有

雲氣出入居民以占晴雨山之西塢有洞與北山小三
洞相通高廣如屋元季兵亂女婦多避兵其中今已塞
矣古今名勝

聖羅山 縣西三里隔溪水
詩僧至剛居此

甘棠山 縣西南十二里其山不
甚高大而鄉以此名

塔山 縣西南十三里山頂有伍子胥廟西麓有隱仙洞其
中高廣如屋昔嘗有二三人秉燭遊焉忽聞上有篙

蘭谿縣志 卷二 山 四

船聲遂懼而返

東栢山 縣西南二十五里上有三清閣東風亭下有東山
庵今廢俗傳昔有范仙者煉丹於此○已上皆在

甘棠鄉

社山 縣西三十里上多
佳木下有神祠

白石山 縣西四十餘里其石如玉又名玉華峯山腰有石
洞險不可登俗傳嘗有樵者攀蘿而上聞洞中有

金石聲懼不敢入洞中若有雲氣其日必雨玉華之左
四五里有大石高數百丈飛泉直下澗石成溝大旱不

竭又其左四五里有石柱高百數
丈周十餘丈亦一境之奇觀也

道峯山 縣西四十里玉華峯前山之麓有神祠祠前有池
方四五尺深亦如之中有金色紅蟹歲旱居民禱

之此物出即有雨

瑞山 縣西二十五里俗傳昔有瑞麥產
於其間故名○已上皆在瑞山鄉

董子諱宗 宋寶祐
祐中待補 進士不仕晚
居蘭陰 山麓巖石坦
登成高其 士亦不仕

硯山 縣西四十里在壽昌龍游三縣之界高數百

郭德山 縣西四十里古傳郭德先生煉丹於此

翠峯山 縣西四十里層巒秀拔樹木陰鬱故名

龍門山 縣西三十里狀如游龍上有蒼松六七里夾道如門故名

娥眉山 縣西南四十里山不甚高而林木葱鬱如娥眉○已上皆在太平鄉

峯

巖高峯 縣北五十里靈泉鄉高五百餘丈傍有勝觀石高四十餘丈

望峯 縣北三十里武昌鄉高百餘丈

嶺

天峯嶺 高眉山東北二十五里高五百餘丈

蘭谿縣志 卷二 山 峯 嶺 巖 五

馬嶺 縣北五十餘里當蘭谿建德之界

陳嶺 縣西四十餘里硯山之西石道迢迢千有餘丈外接龍游壽昌之界

石鼻嶺 縣北十里宋張潤之築溢東書院讀書於此

馬嘶嶺 縣西北二十里純孝鄉

巖

天井巖 縣東南二十里在洞巖山口高百數丈巖下有天

龍得雨

玲瓏巖 在紫巖鄉

鷓鴣窠巖 玲瓏巖下巖如鷓鴣窠廣十餘丈深五六丈可容二三百人

跌水巖 縣北峭壁五十餘丈有水瀉下四時不竭

竹絲巖 俱武昌鄉高

烏石巖 縣北十餘里高三十餘丈其石皆烏俗傳自古大溪經於其下尚有緯船之迹

洪巖 高數百丈狀若赤壁巖之

埋玉巖 俱靈泉鄉雲源之外

金鷄巖 縣西北純孝鄉高百餘丈周四五里俗傳往時天將曙必聞巖上有鷄鳴聲而後家鷄應之

參龍巖 在與教寺中巖高一丈深廣五六丈俗傳有老僧德麟參龍於此故名

赤巖 在縣西太平鄉廣百餘丈巖西有仙人履跡其石赤故名

東巖 在廣巖院內

大慈巖 縣西北五十里與壽昌接壤自山麓至巖約十餘里中有佛像巖左有觀音洞高二十餘丈

西巖 在明因院內巖高二丈中有石佛

蘭谿縣志 卷二 巖 洞 坑 六

杜巖 在無垢院內縣西三十里

洞

小三洞 在洞岩山吳師道有記

仙洞 太平鄉與郭德山相對洞中曉有雲氣其日必雨里之得名以此

石蓮洞 近獅山十二曲深處趙崇善尋幽命工疏鑿內有十景有記

坑

白坑 洞岩山之東深五六丈東西相跨二百餘步長五里其山石皆白可燔為灰

紅坑 洞岩山之西深廣與蜈蚣山同長五六里

瀆坑 蜈蚣山下深五十餘丈東西相距百餘步長三里許

源

棠源

縣東紫岩鄉源內翠峯奇巒秀峙左右而一徑清幽深十餘里山民往往業於其間

靈洞源

靈洞山下兩旁皆奇峯怪石中路為窈可十餘里楊梅茶笋石灰之利出焉

甘露源

在靈洞源西

木沈源

在縣北武昌鄉其源左右皆大山而有長山間其

居民數百家盤布其間茶笋之利出焉其東源之泉山上有棋盤石俗傳為赤松子弈棋之所西源之泉山石高二丈餘中有鋸迹者三俗呼為仙人鋸石岩西源之外又有怪石高三丈廣五丈狀若靈龜浮架水口又

謂之龜石焉

湛裏源

木沈源西其源雖不及木沈有東西兩源源各深二十里茶笋出焉明徐用檢卜築於源之中同

魯源

在湛裏源西草木深茂其東山之上石高三丈餘其形如獅其色烏謂之烏石嘗有魯姓者居之故名

溪裏源

一名雲源在靈泉鄉五都源有雙溪深十餘里饒產茶笋之利

蘭谿縣志

卷二

七

烏石源

十一都中有田二千餘畝源之左有海覺院廢址

慕塢源

俱純孝鄉十二都有上下兩源各深五六里其山有小盤尖邵家尖皆高二百丈舊有宋相范鍾祖墓穆陵御書慕塢

二字今不存矣

現坦源

慕塢源上深十餘里有田三千餘畝中有水堰歲旱而泉不竭源之山有萬羅尖高百餘丈下有花

園塢俗傳以為唐相舒元與之故居云

塔彈源

十三都深二十五里源出甘溪內境寬平田可四千餘畝有餘梁白岩龍門等山各高數百餘丈桐

漆材木諸物產焉

三峯源

十四都兩溪夾際左右一名小溪一名芝溪各深四五十里中平廣有田萬餘畝產利尤多亦沃土

也

萬松源

俱純孝鄉去縣四十里山遶谷深源口盤固相傳有宋參知事唐介子孫名嵩者四元末兵亂避居

於此家藏有御製像贊并勅書見存焉

儒源 縣西北四十里葉克誠居士築室以延仁山金先生而白雲許先生來就焉仁山親為匾其室曰重樂精舍道傳柳先生過訪有詩後人因四先生聚講此處遂名儒源

溪

蘭谿 一名澱水在縣西南二里其源有二一自衢城而東北流至於縣謂之衢港一自婺城而西流至於縣謂

之婺港二水合而匯於縣之西南類羅穀文因號穀水岸多蘭故名蘭谿其深可勝百五十斛舟

黃烟溪 縣東南源出東陽江而下達風秋潭入婺港大溪

東溪 一名石匣溪上承雙溪之水自郭塘分流至高湖東畔至風秋潭入婺港

八石溪 紫岩鄉發源自鷓窠岩逕棠源而出溪上兩石山東西對列如八字故名

雙溪 其一即八石溪其一發源玲瓏岩自向源而來二水合流至此由板橋而西入於婺港

蘭谿縣志

卷二 溪

洞溪 發源自靈洞山由洞橋而出至石關橋而西入婺港

大有溪 發源衢港由羅埠分流而入至張坑達於大溪

萬壘溪 俱橫山鄉亦由羅埠分流數十里至萬壘而合於婺港

瀘溪 縣西南發源衢括諸山而下通靈源與蘭谿合

赤溪 縣西南發源壽昌長嶺通永昌溪至金家坑口入於衢水其土赤故名赤溪

東溪 甘棠鄉東栢山下亦源長嶺而下合於赤溪

永昌溪 縣西甘棠瑞山二鄉界亦源長嶺而下合於赤溪

乾溪 縣西北純孝鄉水有二源一出嚴州塔彈嶺謂之社白露山下又十餘里

至湖埠而入蘭谿

香溪 縣北即蘭溪之下流俗謂蘭香至此而益清故曰香溪舊有香頭潭今漲塞水西折由黃荆港口而下為

金家梁

石渠溪 俱武昌鄉源出鄉之木沈源而入梅溪其渠皆石故名

驥溪 一名馬澗源出玉壺山而入大梅溪

石沙溪 十六都四局上姚莊

小梅溪 源出浦江之烏燒嶺經崧山而入於大梅溪

大梅溪 一名龍門水在靈泉鄉源出浦江之大洪嶺會納衆流至金家梁而入於大溪

灘

牛軛灘 縣東十五里

鷺鷥灘 縣東二十五里葵港水中

金臺灘 縣西南十五里衢港中

蘭谿縣志 卷二 溪 灘

九

又鷺鷥灘 瀘溪之上

石碛灘 赤溪浦口巨石斜生水甚湍急

馬公灘 縣西南二里衢葵二水環匝其外廣一千餘畝古之牧馬草場也

桃源灘 縣北五里

黃溢灘 縣北三里

焦石灘 縣北二十五里

金家灘 一名金家梁縣西北三十里

白鴈灘 縣西北十五里

望雲灘 縣西北四十里

中洲灘 縣西南衢葵二水夾成一洲

潭

風秋潭 縣東十五里長五里深不可測與婺港水通

橫山潭 蘭陰山下衢水至此為山所截滙而成潭深不可測故老相傳有神龍宅焉又各龍潭為鄉民禱雨

所之

椒石潭 在縣西北二十五里椒石山下溪流至是豬溜為潭其山下有岩洞與潭水平水從外入不見其溢

而莫知所從洩也

香溪潭 縣北三十里在香溪中闊百餘丈深十餘丈

堰潭 武昌鄉靈祈寺側中有石岩狀類獅子下出勇泉歲旱不竭

石井潭 井靈泉鄉深不可測傍有石廟歲旱鄉民禱雨於此

范潭 太平鄉俗傳宋時有某官范姓者往守處州至湖鎮生孽子不容於嫡母置孽子水桶中以帛書姓字并

蘭谿縣志

卷二

潭泉

十

畱金釵一雙募人為牧育之資順流至潭中有老嫗得而育焉後居潭上其族日大因名范潭

泉

白泉 香溪市南范浚志云距吾廬南不五十步有泉激激出石竇間色乳味飴與他泉不類因坎竇下鐘其源

以供旦暮澗挹且醜溢流而渠之與里人同其甘鄰曲來汲日數百器泉之儲洩常自如雖歲旱而泉不知也渠之泛濫而走下者與南澗合流以西亂於香溪汨汨窮晝夜吾知其不至海不止也

天池泉 廬真院後

湧泉 在山麓之傍其泉從地湧出溉田三五頃鄉人稱為靈泉

三泉 柱竿山之陽三泉相通上名龍泉中名紅泉下名清泉即古西井也

大泉 與三洞通春冬不竭注田三百餘畝

長泉 紫岩鄉混混不竭注田二百餘畝

井泉

瑞山鄉

響泉

二十八都一畝

樟泉

十八都一畝

抱源清泉

三十都三畝

北津第一流

上徐石門

香泉

十四都萬松源右其路通徽巖

二環泉

在驥溪牛母山下大旱不竭

蘭谿縣志

卷二 泉